

Fangzcwngz Gih:

Soengq Fap Bae Mbanjyauz Couqmaenh Gij Eiqsik Caezcaemh Cunghvaz Minzczu

3 nyied 27 hauh, Fangzcwngz-gangj Si Fangzcwngz Gih Minzczu-cunghgiz lienzhab fulenz、minzczu-cwnggiz、swhfazgiz, Sizvansanh Yauzczu Yangh Cwngfuj caeuq Aen Hoih Hoengzicbih ndawyangh daengi laebbaenz aen doih lwnhgangj bujgiz

fapld, bae Sizvansanh Yauzczu Yangh guh hozdung “soengq fap bae Mbanjyauz, minzczu doxgiet coi huzndei” lwnh fap gangj fap. Gyoengqde soengq saw fapld caeuq swhliu minzczu doxgiet bae hagdangz、ranzbing、lajmbanj、giz dieg

vunzlai sinyangj haenx, hawj vunzlai Mbanjyauz bujgiz cihsiz fapld, daz-yinx vunzlai gag hag fap、rox fap、yungh fap, gag henho minzczu doxgiet caeuq lajbiengz an’ onj. Gaen-laeng, Fangzcwngz Gih yaek haeujlaeg guh hong cauhlaeb minzczu doxgiet

baenaj, guh lai cungj lai yiengh hozdung lwnhgangj, gyagiengz gak minzczu “samgyau”, guhlaeg guhsaed hong couqmaenh kij eiqsik caezcaemh Cunghvaz Minzczu.

(Cinz Veijcaiz/陈伟才 Vangz Yizyenz/黄日源)



Mwh Cingmingz, Geiqniemh Bouxgonq Fatyiengz Cingsaenz Saekhoengz!

3 nyied 28 hauh, mwh Cietcingmingz yaek daeuj daengz, doengh kij daiyauj boux gingcaz Aen Baicuzsoj Henzguck、boux ganbu ndaw cwngfuj、boux lauxsae caeuq sausenhuiyenz Aen Siujyoz Cunghsinh laeng Cwngzcoj Si Ningzmingz Yen Cilang Yangh, caez bae Aen Bauqdaiz Cinswh, giz dieggiek son’ gyauq gyaegzuek cuji diegde. Gyoengqde youq mwnq guh hozdung “geiqniemh bouxgonq, fatyiengz cingsaenz saekhoengz”. Vunzlai camgya hozdung haenx cungj naeuz yaek geiqmaenh lizsij gwzming, cienziep cingsaenz bouxgonq bouxyinghyungz, gag rox swnciep diuz meg saekhoengz.

(Cauh Yizganh/周贻刚 Vuz Cincuh/吴进初)

◀ 3 nyied 28 hauh, vunzlai ngonzyawj Aen Bauqdaiz Cinswh, geiqniemh bouxgonq.

Lienh Eu Fwen Yaek Gvaq “Sam Nyied Sam”

“Lwgnyez maij gwn gyaeg-gaeq hoengz, Mulauj gyaeg loengh Sam Nyied Sam.” 3 nyied 28 hauh, Aen Hezvei Minzsug Hoihbo Lozczwngz Mulaujcu Swciyen Hozciz Si ciu canghfwen youq Cwngzlungzhuz Gunghyenz lienh eu fwen. Gyoengq canghfwen bengx bien bengx eu doengh kij fwen gvendaengz “Sam Nyied Sam

Gvangjsih”、minzczu doxgiet daengj, yaek gvaq cietfwen “Sam Nyied Sam”. Ngoenziet yaek daengz, hauilai boux gyaeg vwnzyi haenx goj cagaenj baizlien kij cezmuz miz daegsaek minzczu de, guh ok kij fwnhvez gvaq ciet naekna daeuj.

(Liu Gvanghfuz/廖光福 Veiz Yuzdai/韦如代)



▲ 3 nyied 28 hauh, gyoengq canghfwen youq ndaw gunghyenz lienh eu fwen.



▲ Aen dungceh ndeu hai gvaq mbaeng giuz Gvei Gvangj Gauhdez laeng Sanhyangh Dungcu Swciyen.

Gauhdez Coenghrengz Sanhyangh Gyavaiq Hwngfat Lijyouz

Liujcuh Si Sanhyangh Dungcu Swciyen baengh diuz Gvei Gvangj Gauhdez fuengbien de, yungzhaeuj aen gien ginghei sam aen siujseiz Gvangjdoengh、Gvangjsih、Huznanz、Gveicuh bae. Gij vunz daj baihrog daeuj lijyouz haenx

yied daeuj yied lai, “gij haeux lijyouz” vunzlai Mbanjdung yied gwn yied hom. Bi 2023, yienh de ciepdaih hekyouz 901 fanh vunz, saedyienh lijyouz siuyungh souhaeuj 96 ik maenz ngaenz.

(Vuz Lenyinh/吴练勋)